

FILIPIFO Paulo Ovoli Kĩ Etsɛɛɛ Ema Filipifo

^I Ovoli kīi to yī, Paulo, mɔ Timoteo kī bonye Kristo Yesu basumune sekẽ.

Bɔtsɛɛ ye bɔama mi Baguma bade a kī mideĩ ne Filipi, kī mikena ɔmɔa mɔ Kristo Yesu a, mɔ asoli banɔkɔẽ mɔ babumenane a flee.

^{II} Baguma boe ɔlega mɔ boe ɔlate Yesu Kristo bemɔ mi kɔnya, bekpa mi lukudo lɛmɛ.

Paulo Bɔa Mpaɛ Ne Ye Ovoli a Bakãne a Lɔlɔ.

^{III} Manyɛ Baguma kɔɛ lɔkɔ nye lɔkɔ kī nte anɛ ne mi akũ, ^{IV} ade lɔkɔ nye lɔkɔ kī mabɔa mpaɛ ne mi flee lɔlɔ ni, mabɔa ye mɔ kawɔɛ, ^V ne ayekĩ mibumɔ yī ne Kale Wī a kale kame, kito luwi letɔnyade a keyawo nviã kīi. ^{VI} Ne foesũ mate kado kī Baguma a kī eyi adzuma wī kīi kakena kayɔ ne mi kame a, aafõ mikena ye enaawũna ne Kristo Yesu luwi a akũ.

^{VII} Yī anɛ teĩ ne mi akũ daa! Fɔnɛnɛ kī nkaakɔna mi akũ lɔmɔ, kitonekĩ Baguma mɔ bɔmɔ mi flee kɔnya kī miamɔ lubo mɔ yī ne lɔkɔ a kī nwaa kɔla a. Letsa a kī libu nye kī mibumɔ yī bɔlamena Kale Wī a lɔlɔ kapili, kī kitim lɛmɛ.

^{VIII} Baguma nye yī ɔdansini kī ɔnɔkɔali male, kī makɔna mi flee mɔ ɔɔɔ a kī eto Kristo Yesu kame a.

^{IX} Mabɔa mpaɛ kī mi ɔɔɔ a ebu ebo anɛ ne kadikanyi mɔ fɔletsa kayɔkanu dzununuunu kame, ^X ayekĩ míapuli misa fɔtsa wī mikpa

mi akū, lōkōa míanya bati kpalewa kī efī mō nfumusu adima leláana ne be akū ne Kristo Luwi a akū. ^{XI} Mi nkpā kadzi kame aayi mō obla wī kabōa a kī Yesu Kristo odi aapuli ekpa a, fonya kukūkpale mō kamu fōkpa Baguma.

Ɔmōa Kakena Mō Kristo Kame Nkpā Wī a Deĩ.

^{XII} Nwaē ame, mawe kī mianyi kī fotsa a kī fōya ne yī akū a bumena Kale Wī a kēnaa loto. ^{XIII} Ne foesū sodzafō a kī badzole legā tōtō akū a flee, mō bati bebā a kī bideĩ ne awī a mō biyi osū kī Kristo sū mō nwaa kōla. ^{XIV} Ade yī kōla kawa a lēme fō Kristofō pii kōa ane bite ne boe Ɔlate akū, ade bado owole lōkō nye lōkō, kale Baguma fōletsā a mō libe katana ne foe kame a.

^{XV} Ne ɔnokɔali kame ni, be kame badi ade letsā ne Kristo akū kitonekī banō yī lineke kawē yī sowā, lēme badi kō ade letsā a mō adzuni wī. ^{XVI} Bati katsu kayade kī akēna adzuma mō ɔdō kitonekī binyina kī Baguma lekpa yī adzuma kī mpili ye Kale Wī a lōlō. ^{XVII} Bati bebā a lāde letsā ne Kristo akū ne ɔnokɔali kame, mbom bade de ne be odi kawē onukpē. Bekōna kī bakēna foe bekōa bewē fōletsā bekpa yī ne lōkō a kī nwaa kōla, lōkōa lubo kamō lena osī libu.

^{XVIII} Fukī lenyé latsama! Kitonekī nte bide letsā ne ɔnokɔali kame ĩye ne fōvā kama osi akū malo ni, kī Kristo akū bide letsā a sū ni, kawole de yī. ^{XIX} Kitonekī ĩnyina kī mi mpaebō ne yī lōlō mō Yesu kabumena a kī kito Kristo Hūhū a sū ni, baanye yī ne kōla. ^{XX} Yī kawē mō osī, mō letsā a kī madā ane nye kī konyōā kōtakō yī ne yī adzuma kame, titiliwu ne lōkō kī, mbom nna

ɔwɔle ayekĩ maakɔa yĩ sukena flee ndo Kristo obu nte ndzi nkpā ñye nku malo.

XXI Litsa nye nkpā? Ne yĩ sekẽ kɔ ni, Kristo ndzi nkpā nkpa, leme nte maaku ni, maana foe akũ nfaso mba. **XXII** Leme nte maadzi nkpā mpuli nkena adzuma kĩ edeĩ nfaso ni, kekɔ maáti ñnyi foe kame fukĩ ñnye nte nkpā ñye wuda. **XXIII** Ndeĩ ne fɔtsa atsu nviã kayite. Mawe mo ɔsĩ mo ɔsĩ kĩ mane ne katinya kĩ kame nnaa Kristo sekẽ, kĩ lenene lebẽ. **XXIV** Leme ne mi sũ ni, fusĩ paa kĩ ndzi nkpā ne katinya kĩ kame. **XXV** Nte fukĩ ndo, foesũ ñnyina kĩ maadzi ne mi sekẽ, mbuki nkena adzuma mo mi flee minamena loto, mimó kawɔle ne Kristo katekado kame. **XXVI** Fukĩ aafɔ kĩ nte mbuki ñya ne mi sekẽ ni, miapuli mipia ne yĩ akũ kĩ mikena ɔmɔa mo Kristo Yesu.

XXVII Letsa a kĩ lisĩ finyaa nye kĩ, midzi nkpā nde bati kĩ bete Kristo Kale Wĩ a, ayekĩ nte ñya ne mi sekẽ ñye ntápuli ñya malo ni, maanu kĩ midzẽ pintii, ne hũhũ mɔa adzuni mɔa kame, miapili katekado a Kale Wĩ a lolɔ. **XXVIII** Mitavila mi bakesĩne, mbom mido ɔwɔle loko nye loko. Fukĩ aafɔ binyi kĩ Baguma aawɔla be kokooko, leme mi kɔ yaakpa mi nkpā, kitonekĩ Baguma lefɔ minya akũ. **XXIX** Kitonekĩ Baguma kpa mi osi kĩ misum Kristo nné ne ayekĩ mite ye mido a odi sũ, mbom ne ayekĩ miamɔ lubo ne ye lolɔ a sũ. **XXX** Finyaakĩ miapuli mino kawũ a mo yĩ. Ade kawũ mɔape a kĩ mimó kĩ nno ntẽ a, nde ayekĩ minu a, ade ke mɔape a nlamena kano a.

II

Yesu Kristo Nye Boe Olate.

^I Nkpã a kī midzi ne Kristo kame a ado mi kōbē, ade ye ɔdo adola mi ɔwɔle a. Mikena ɔmɔa mɔ Hūhū a, ade miakena mi akū seme kale, kamɔ akū kɔnya a. ^{II} Ne foesū mifɔ kawɔle de yī paa kī mideĩ adzuni mɔa. Miawe akū kale, kakena ɔmɔa ne hūhū mɔ adzuni mɔa kame ne letsa mɔape akū. ^{III} Mitakena letsama ne mi odi kawɛ onukpē, ĩye miwe kī miapia akū. Midola akū mikpa akū, mibu bati bebã kī benene bebē mi. ^{IV} Odima etakona fɔtsa wī ekpa ye odi akū, mbom ewe bati bebã lemɛ fude.

^V Mifɔ ɔbla a kī ena ne Kristo Yesu kame a, ena ne mi malo kame. ^{VI} Tito kī edeĩ ne Baguma kutidu kame malo ni, etákona kī yakɔa ye kōbē etsa kī bemɔ Baguma biketi. ^{VII} Mbom efone ye obu kadzakɔ a awe faa, ekɔa ye akū ekena osumune. Bema ye nde otidziwa aye, ade eya ne oti kutidu kame a. ^{VIII} Ne foesū edola ye akū, etse Baguma kenawo wuda ne asendua akū. ^{IX} Ne foesū Baguma dɛla ye ne ode flee, ade ete ye dī kī lebē dī lidi nye lidi a. ^X Foesū nte bebɔa Yesu dī ni, kefeta kī fɔtsa a kī fudzi nkpã ne tite mɔ ode, mɔ tite ɔda fɔake aduli. ^{XI} Ade foe flee aanye onukpē kī Yesu Kristo nye boe Olate, bekɔa bimu Baguma boe Olɛga a.

Mivɔle Nde Fusibii Aye Ne Katinya Kame.

^{XII} Foesū nwaē ame, nde ayekī miatse yī ɔledo lɔkɔ nye lɔkɔ kī nna ne mi sekē a, ade ayea fusī kī nte nláa mi sekē malo ni, miakena miba ayekī ndeĩ ne mi sekē a. Mikɔa libe mɔ kukūtila mikena adzuma miwūna mitsa kī mina nkpã kate, ^{XIII} kitonekī Baguma lamena adzuma

kakena ne mi kame daa ayekĩ míafone akũ awe mikena ne ye kawe wĩ akũ.

^{XIV} Mikena letsa nye letsa onukpě kanye ĩye foletsa kavele fotana ne foe kame, ^{XV} ayekĩ míanya bati kĩ betáko be koto, kĩ be akũ kpale nde Baguma babi kĩ bekpola, kĩ bidzi ne katinya kpa kĩ kiyi mo tokpa bakenanene kame, leme mi kō tokpa leláa mi akũ. Kene kĩ miavole ne be kame nde ayekĩ fusibii avole ne ode, ^{XVI} nte miatsa be nkpã kale a. Ne Kristo Luwi a akũ ni, maapuli mpia ne mi akũ kĩ yĩ mbodibo mo adzuma tákena pupilidza. ^{XVII} Leme nte baako yĩ baboane ne tite ne mi katekado akũ nde afolie fotisa aye ni, kawole aade yĩ, ade fónya bomo mi flee kawole a. ^{XVIII} Ade ayea kene kĩ mi malo kawole kide mi, mimo kawole mo yĩ a.

Paulo Mu Timoteo Mo Epafrodito.

^{XIX} Nte fonye boe Olate Yesu kawe ni, mate kado kĩ owi leláabuna mo maado Timoteo ne mi sekẽ, ayekĩ mi akũ foletsa a kĩ yayabi yĩ a aado yĩ kawole. ^{XX} Ye odi keĩ nye oti kĩ yanu yĩ foletsa kayo mo oti kĩ mi foletsa tsela ye. ^{XXI} Bati bebã a kō ni, be odi kale liti bitomena, kĩ nné fukĩ fonye Yesu Kristo fude. ^{XXII} Mi moawe minyina ayekĩ Timoteo nye oti titiliwu mo ayekĩ nde obi mo olega aye ni, bomo ye bokena adzuma ne Kale Wĩ a kale kame. ^{XXIII} Foesũ madã ane kĩ nte nsila mmó ayekĩ yĩ foletsa kame la ni, maado ye ne mi sekẽ. ^{XXIV} Mate kado ne boe Olate dĩ akũ kĩ yĩ moawe a maapuli ĩya ne mi sekẽ moatse.

^{XXV} Leme nkona kĩ fusĩ kĩ mado boe owaẽ Epafrodito ne mi sekẽ. Enye oti kĩ bomo ye

bokena adzuma, bono kawũ, ade enya mi foto onyanε mo yĩ obumenanε a. ^{XXVI} Akũ asĩ ye kĩ emo mi flee, ade ewo oblo kĩ minu kĩ ye fukena kame bu kade. ^{XXVII} Ne onokwali kame ni, eso paa kĩ ena ne wuda mo nkpã kayite, leme Baguma mó bomo ye konya. Nte fotana lomō ni, kufe yĩ kaloe aaba yĩ kalō. ^{XXVIII} Ade foesũ akũ asĩ yĩ kĩ mado ye ne mi sekẽ, ayekĩ nte mimó ye ni, kawole aabuki kide mi lokoa yĩ malo yĩ owole leka edzi yĩ. ^{XXIX} Ne foesũ mite ye mo kawole nde owaẽ ne boe Olate dĩ akũ. Mikpa bati kĩ bela nde ye aye a obu, ^{XXX} kitonekĩ ekoa ye akũ ekpa kĩ yakena Kristo adzuma ebumo yĩ ne mi kadokõ, ade kite sukuloo kufe eku ne foe kame a.

III

Kadzi Kpũ Ne Baguma Anε.

^I Nwaẽ ame, ne kawũna kame a, kawole kide mi kĩ mikena omoa mo boe Olate a. Fotápiã yĩ kĩ mbuki matsela folets a kĩ ñnya loto ntsele mma mi a mma mi. Nte nkena foe lomō malo ni, fófãõ letsama leláakena mi.

^{II} Midã kadã wĩ ne tokpa bakenanε akũ! Midã kadã wĩ ne bakpete a kĩ bedzẽ ne mi akũ kĩ mitsua mi sukena a. ^{III} Kitonekĩ boe a kĩ boasum Baguma ne Hũhũ kame a, mbom bitsua boe ne osi wĩ akũ, foesũ boamo kawole kĩ boakena omoa mo Kristo Yesu. Boe kõ boáte anε ne sukena kame temanie akũ.

^{IV} Yĩ aapuli nkōa anε nte ne temanie a na akũ kufe. Nte odi kōna kĩ yaapuli ekōa anε ete ne te akũ ni, ndeĩ kadzakõ kĩ makōna lomō mbẽ oti a na kolaa. ^V Bitsua yĩ lekpati kĩ bema yĩ

ke luwi lelẽde a. Israelni manɛ, nto Benyamin katete a kame. Ñnye Hebrini kpanunuunu, ade ke ne Yudafo mbla a onukpẽ ni, Farisini manɛ. ^{VI} Mpi mbla a ndo mo akũ mo osĩ mo osĩ ade foesũ ñyidza ndza ne asoli a akũ a. Nte oti kakena ne mbla a akũ pɛpɛpɛ akena ye oti kpĩ ne Baguma ane ni, maapuli nle kĩ nfumususu adima tána ne yĩ akũ.

^{VII} Leme fotsa a kĩ bame a kĩ nkona kĩ fudeĩ yĩ nfaso a, finyaakĩ ne Kristo sũ mabu foe fotsa pupulidza. ^{VIII} Nné fotsa a na odi, mbom mabu letsa nye letsa kĩ lenye letsa a kĩ lelá nfaso, kitonekĩ fotáte koya fuwo Kristo Yesu kanyi nde yĩ Olate. Ne ye sũ nfone letsa nye letsa awe, ade mabu foe flee nde fukluku, ayekĩ Kristo aanya yĩ ode sũ, ^{IX} lokoa nkena omoa mo ye. Ade ke nlaabuki nna kadzi kpĩ ne yĩ moawe akũ akũ ne ayekĩ makena ne mbla a akũ sũ, mbom maakena oti kpĩ ne Kristo katekado sũ. Ade fukĩ nye kadzi kpĩ kĩ kito Baguma sekẽ ne katekado kame a. ^X Letsa a kĩ nti mawe nye kĩ manyi Kristo, mmó kobẽ a kĩ kodzela ye kutomena kanokpa a, mmó mo ye lubo, lokoa nkena nde ye aye ne ye wuda kame, ^{XI} mo katekado kĩ yĩ malo Baguma aadzela yĩ etomena kanokpa ndzi nkpã.

Paulo Lamɔ Atse Yanaa Kawũnakõ a.

^{XII} Nlámɔ kale kĩ yĩ awe tá letsa a kĩ mawe ñye kĩ nkpola kókɔɛ. Leme nlamena kapili mo osĩ mo osĩ kĩ yĩ awe eta fotsa a kĩ foesũ Kristo Yesu kɔa yĩ ekena ye ode a. ^{XIII} Nwaẽ ame, maákona kĩ yĩ awe ta fotsa a kókɔɛ. Mbom letsa a kĩ makena nye kĩ nlela fotsa a kĩ fɔya fotẽ a, lokoa nkɔa yĩ kobẽ

flee ntomo letsa a kī lewaa ne loto a liti. ^{XIV} Ade foesū nlamena atse kawula kooba kī maawo akū kanyakō a lōkoa nte futelitsa a kī Baguma ve yī etsāmena Kristo Yesu akū kī ūyaate ne ode a.

^{XV} Kenε kī boe flee a kī bubo anε ne Baguma Hūhū kame a bona adzuni kīi odu. Leme nte mi kame badi deī adzuni bebā ni, Baguma aakpale foe malo kame etsa mi. ^{XVI} Nte nde aye fōla malo ni, mifō bubuki bokena ne osi a kī ye akū bōtsē keyawo finyaakīi a akū.

^{XVII} Nwaē amε, mi a flee midā yī obla miboa ye odu, midā bikī bidzi nkpā ne osi wī akū nde ayekī budzi bōtsa mi a. ^{XVIII} Mbi mi fōletsā kīi lōko pii keyatē, leme mbuki male foe finyaa mō babe malo. Bati pii deī kī be nkpā kadzi kame a fō bedani bakesīne bekpa Kristo wuda ne asendua akū a. ^{XIX} Ne kawūna kame a, bati kīi aawo ne fi luwotu kpale kame, kitonekī be baguma nye sukena fowetsa kpa kakena. Bamō kawole ne be fonyōātsa kakena akū, ade katinya kīi kame fōtsa odi akū bakōna a. ^{XX} Leme boe kō ni, boe oto nye ode, ade budzi bōadā boe otene kī enye boe otate Yesu Kristo anε kī eto ode εya a. ^{XXI} Yaakōa kobē a kī kōfō yapuli kanya letsa nye letsa akū a, edani boe sukena kī selā kobē kīi siketi mō ye sukena kpalewa a.

IV

Paulo De Filipifo.

^I Foesū nwaē amε, bati kī mawε kale, kī makōna mi akū, miado yī kawole. Ade aye kenε kī midza pintii ne mi nkpā kadzi kame ne boe otate a dī akū a.

II Make Ewodia mo Sinteke aduli ki bebwa mbodi binu akũ kayo nde bawaētsole aye ne boe Olate di akũ. III No malo yi okoba adzuma okenane ki yadi onokoali, mawe ki bumena batsole ki, kitoneki be mo Klemens mo asoli bati bebã a bekena adzuma mo osi mo osi bibumo yi bole Kale Wi a. Betsela bati ki bui bido ne Baguma ovoli a ki nkpã badzine bui dei a kame.

IV Kawole kide mi luwi daa ki mikena omoa mo boe Olate a. Mbuki male ki kawole kide mi!

V Mina owole boee mikpa odi nye odi. Boe Olate kaya wo oto kiyua. VI Mitaha akũ ne letsama akũ, mbom ne mi mpaebwa kame ni, mivia Baguma letsa a ki lisi mi, minye ye kole luwi daa. VII Ade Baguma lukudo a ki lide leba otidziwa kayokanu a, ledãmena mi towole mo adzuni akũ ne Kristo Yesu di akũ. VIII Ne ke kawuna kame ni, nwaẽ ame, mifõ fotsa a wi mo fuki fofeta kamu fote mi adzuni kame. Fotsa ki bame nye letsa nye letsa a ki lenye onokoali, letsa nye letsa a ki lidei obu, letsa nye letsa a ki letsẽ ne osi kpĩ akũ, letsa nye letsa a ki de akũ kpale, letsa nye letsa a ki lala kadã mo letsa nye letsa a ki lefeta oti. IX Midzi nkpã ne yi fotsa a ki mikole ne yi sekẽ, fuki mite, fuki minu mo obla a ki mimó ne yi akũ a onukpẽ. Ade Baguma a ki yakpa boe lukudo a aadzi ne mi kame.

Paulo Nye Filipifo Kole Ne Be Futelitsa a Akũ.

X Ne boe Olate a su ni, kawole de yi paa ki ne loko geleele liti a, mibuki mina osi miatsa ki miakona yi akũ. Maatsa ki mifõ yi akũ kadãmena, mbom kana mitana osi ki mianye foe mitsa. XI Ade nãmena katsa ki nsĩ litsedi,

kitonekĩ nkole ne kadzi kadi nye kadi kame kĩ letsa nye letsa kĩ ndeĩ liwo yĩ ane. ^{XII} Ìnyina letsa a kĩ lenye ohiã ade ìnyina letsa a kĩ lenye akũ kana fotsa leme a. Ne kadzi osi nye osi akũ ni, nkole ayekĩ kene kĩ fotsa fuwo yĩ ane loko nye loko nte fonye kole ìye funitsã kabɔ loko, nte ndeĩ foe sukuloo ìye fɔbɔ yĩ malo. ^{XIII} Maapuli ndza pintii ne letsa nye letsa kame ne kobẽ a kĩ Kristo ado yĩ a akũ.

^{XIV} Leme mikena foe kakena wĩ paa kĩ mibumo yĩ ne yĩ kasuli kame. ^{XV} Mi Filipifo minyina yededeede kĩ ndzakũ ne Makedonia ne kayɔkayi, kĩ nkade letsã ne Kale Wĩ a akũ a, mi odi nye asoli bati a kĩ bekabumena yĩ. ^{XVI} Loko loko kĩ nna ne Tesalonika malo ni, nte nsĩ kabumena miamena yĩ futelitsa. ^{XVII} Nné futelitsa mawe kufe, mbom nfaso a kĩ míana mibu mitomena mi fotsa kate kame a mawe. ^{XVIII} Finyaa mise yĩ koto minyina malo. Futelitsa a kĩ mimena mitsãmena Epafrodito akũ a yawo yĩ sekẽ, foesũ finyaa nna fotsa a kĩ fusĩ a flee. Futelitsa a na kena nde afolie mo olẽ mo olẽ kĩ bebɔa bekpa Baguma, kĩ fuwo ye ane fudo ye kawole leme. ^{XIX} Yĩ Baguma a kĩ masum a, aakpa mi letsa nye letsa kĩ misĩ a etomena ye kukũkpale beblebee ne Yesu Kristo kame a.

^{XX} Mifõ bumu boe Baguma boe ɔlega kito finyaa kanaa daa daa. Fɔya lomo.

Paulo Kawõna Nkae.

^{XXI} Mawõna Baguma bati a kĩ bekena omɔa mo Kristo Yesu a. Boe bawaẽ Kristofɔ a kĩ bideĩ ne yĩ sekẽ ne awĩ awõna mi a flee. ^{XXII} Baguma bati kpalewa ne awĩ a awõna mi, titiliwu bikĩ bideĩ

ne Romafŏ Legãnokŏẽ totŏ kame a leme awõna
mi flee.

^{XXIII} Boe Ōlate Yesu Kristo nhila emŏ mi hũhũ.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

68df0193-2981-5275-8994-8f743fe01e5e